
Ազգիս հանգուցեալ Հայրապետը անցեալ ամի Հոկտեմբեր ամսում բարեհաճեցաւ պարգեւատրել Ալէքսանդրապոլի Յաջորդ բարեշնորհ Յուսիկ վարդապետին ծաղկեայ փիլոնով ի տըրիտուր նորա արթուն եւ արդիւնաւոր ազգային եւ եկեղեցական ծառայութեանց:

Բնիկ Գորեցի և այժմ վերաբնակիչ Օգեսայի Մեծ. Պ. Պօղոս Միքայելեան Քուղանեան նուիրել է Օգեսայի Հայոց Հոգևոր Դպրոցին 10000 (10000) որպէս զի այս գումարով նոյն դպրոցի Հոգաբարձութիւնը եկեղեցական տան դատարկ գետնի վերայ կառուցանել տայ երկյարկեայ մի շինութիւն, և սորա տարեկան եկամուտից, որ մերձաւորապէս երկուսուր (2000) կհասնէ, տարեկան ութ հարիւր ուրբի վճարէ պ. Քուղանեանին և մնացեալը ի գործ դնէ յօգուտ յիշեալ Դպրոցի: Իսկ Քուղանեանի մահուանից յետոյ ամբողջ եկամուտի երկու մասը յատկացնել յօգուտ յիշեալ Դպրոցին և մի մասը յօգուտ տեղական հայ ազգայնորդի:

Ազգիս հանգուցեալ Վեհափառ Հայրապետը Մեծ. պ. Պօղոս Քուղանեանի այս առատաձեռն ազգային նուիրաբերութիւնը քաղցր հաճութեամբ ընդունելով՝ բարեհաճեց օրհնել և քաջալերել նորան Իւր Հայրապետական Սրբատառ Կոնդակաւ:

Ամենայն գովեստից և շնորհակալեաց արժանի համարելով Մեծ. պ. Քուղանեանի այս առատաձեռն նուիրաբերութիւնը հրապարակաւ մաղթում ենք. —

Կեցցեն այսպիսի բարեպաշտ Ազգայինք, որոնք իւրեանց վաստակից բաժին հանել եկեղեցւոյն և Ազգին, չեն զլանում, մանաւանդ զեռ իւրեանց կենդանութեան ժամանակ:

Ուրախութեամբ սրտի աւետումենք մեր սիրելի ազգայնոց, որ Ս. Սինօդը ամենաքաղցր հաճութեամբ յարգելով Տփլիսու Հայուհեաց Բարեգործական Ընկերութեան վարչութեան նախ՝ հանգուցեալ Հայրապետին և ապա առ ինքն ուղղեալ խնդիրը, թոյլատրեց Տփլիսու եկեղեցեաց մինի մօտ բանալ իւրեանց ծախքով մի նոր Օրիորդաց դպրոց Տփլիսեաց վիճակի Հայ ծխական Հոգևոր դպրոցաց թեմ. Վերատեսչի հսկողութեան ներքոյ:

Ագքիրման քաղաքացի եղբարք—Պարոնայք Արրահամ և Յովհաննէս Աստուածատրիանք իւրեանց հանգուցեալ հօր բերանացի յանձնարարութեան համաձայն յօգուտ ճեմարանի Մայր Աթոռոյս նուիրեցին եօթանասուն ուրբի (70)՝ որոյ համար յայտնումենք հրապարակական խորին շնորհակալութիւն՝ ցանկանալով նոցա կատարեալ յաջողութիւն: